

## Beschreibung des Hags.

19

den/nemlich von Brabant bey Hadriano Barlād/  
von Flanderen bey Jacob Marchant / von Holland  
bey Hadriano Junio/ oder aber in der gemeinen be-  
schreibung des gansen Niderlands/so Ludwig Guic-  
ciardin ein Italiāner in truck außgeben. Zu vnserm  
fürnemen ist vns dieses gnug / daß wir fürklich/vnd  
gleichsam lauffender weis die art vnd gelegenheit der-  
selben angezeigt haben.

## Beschreibung des Grauen Hage/ vnd Hoffs in Hol- landt:

Auch von wem vnd wann gemeltes  
Hof vnd Pallast/vnd zu welchem end  
er gebawet worden.

**U** Eben so vilen schönen reichē/ wolgelegenen/  
vnd lustigen bemaurtē Stetten in Holland/  
find man alda noch viel herrliche Fleckē oder  
vnbemaurte Stett / welche nit allein stattlich erba-  
wet vnd gezieret/sondern auch an reichthum / schöne  
vñ herrligkeit der Heuser vnd Gebewē viel Stett v-  
bertreffen/auch vñ iren Prinzen vnd Herin nit vie-  
len stattlichen Präuilegien begabt sind. Vnder allen  
diesen ist kein schöner/ herrlicher / noch wolgelegener  
vñ lustiger Fleck ob Plak/dan des Graue Hage/wel-  
chē auch die Grafen von Holland deswegen zu irem  
gewonlichen Hofleger erwehlet/vñ dahin die versam-  
lung vñ Wonstet irer geheimen vnd anderer Rāhtē/  
wie auch das Hohegericht/ da nemlich alle Rechtsa-  
chen von Holland vnd Seeland sollen gerichtet vnd  
geschlichtet werden/gelegt vnd verordnet haben.

¶ u Dieser